

中外新遊記

汪伯訓編



4

上海商務印書館發行



中外新遊記

江伯訓編

(四)

商務印書館發行

中外新遊記卷四

丙辰西美遊記

黃愼圖

序一

塾斗室。披叢書。瀏覽海國之圖。涉獵瀛環之誌。嚶嚶然曰。我知之矣。彼東西各國之文明。我已一覽而無餘矣。此腐儒不足以言游。猶管窺不足以見天。蠡測不足以知海也。後車數十。從者數百。銜命而出。節旄載道。抵一國。歷一都。周旋於君相之間。躑躅於繁華之地。目爲之眩。氣爲之奪。心神爲之震駭。而無所主。除崇拜以外無思想。除瞻仰以外無動作。除嘆詫以外無聲音。舉凡彼中歷史之如何沿革。政治之如何修明。社會之如何組織。商工實業之如何發達。物質文明之如何進步。天時地利之如何供其驅策利用。莫之或問。莫之或聞。計日而回。上焉者。由其僚屬代爲剽竊以成日記。下焉者則如夢境之撲朔迷離。有瞠目橋舌而不知答耳。有考察之名。無考察之實。徒貽外人以齒冷。吾聞其語。吾見其人。則游也。誠不如其不游也。夫泥古者既拘墟。皮相者又惛恍。則不游固不足爲訓。而漫游又豈所尙。西人以游。幾視爲一種實驗之學科。故未有游而不具游之才。游而不具游之識者。言語禮俗。測算圖繪。與夫調查之手續。豫定之方鍼。暨紀載之詳密。才爲之。亦識爲之。曾是僮父而足語此。黃君愼圖。長

於國學。通英法俄語文。精中西醫學。旁及新舊繪畫種種必需之技術。而志不甘於蟄居。足跡幾徧歐陸。本年五月。又偕同志暨英俄兩國人士。結伴爲西美之游。起自南洋。沿太平洋海線。徧歷西美繁盛各埠。北折以入琿春。經西伯利亞。繞道亞洲俄羅斯以歸。歷時凡四閱月。蹤跡所經。聞風倒屣。旣歸乃出其所記以示余。并索余爲之一言。余觀其載筆詳。敘事實。扼重於彼都商工實業之點。製造出產之額。並建築之形式。面積之距離。靡不勾稽而晰言之。物產有表。真相有圖。蓋不僅以描繪風物。稱述酬酢。爲畢其能事者。於以見黃君之才識有不同。眼光有獨到。必如此而後爲不負所游。亦必如此而後方足與言游。并足以言記也。余滯海上有年矣。歐風美雨。夢想爲勞。得此足供臥游。所以拓心胸者不少。因援筆而樂爲之序。

中華民國五年八月古越王振民

序二

百聞不如一見。若未能身歷其境而有所見。則獲聞其情狀者。猶愈於銅蔽而無所知。此遊歷筆記。最足嘉惠後來之學子也。惟旅行每苦其時間之忽促。而覘國或不免實際之罅漏。是以筆記非失之瑣屑。卽病在浮誇。慎圖氏有鑒於茲。當其集合團體。旅行西美。獨具深心。詳爲記述。於社會之道德。實業之競爭。景物之瑰奇。山川之險要。莫不明瞭臚列。人手一編。不啻臥遊。嗟乎。讀萬卷書。行萬里路。爲老生之常譚。而在寒峻者雖可借簡帙以遂其勤讀。安能集鉅款以資其遠遊。彼獲展慎圖氏西美旅行

之記。吾知其無俟車馬困於長征。見聞廣而識自拓也。受餉遺而興起者。必大有人。還以質諸愼圖氏。當亦謂實獲我心歟。爰爲之序。

民國丙辰孟秋下浣古越倬卿張元昭

自序

夫處暗室者。不知天之光。溺膏粱者。未曉世之艱。率由舊章。不能進而必退。侈談新法。略其實以驚虛。是四語者。幾屬吾人之通病。國之浸弱。有由來矣。予游西美。因有所記。事務其實。筆不書空。屬於人事者。如華道倫之寧實際競爭。不屑私利壟斷。赫純之以興利崇善爲歸。守聖訓種因之則。厭不利地質學家。與經驗老農之決荒爲可救。以人力補天之憾。與夫邊士民求畫之純孝。士卜看館主之悌弟。克明合家戀宗。好佛老人服善。及言之匪艱。行之維艱之美德。處澆漓之習俗。皆起儒之良劑也。關於實業者。以全副眼光注於氣候、水利、出產、交通、工藝、市政。暨特殊之人工。缺少之品物。社會之狀態。靡不記載詳盡。以備興業家之借鏡。其涉及景物者。又如太平洋之落日。三星艦之颶風。崇山之危亭。赫純與璧德之歌聲琴韻。托古糜之山景。羅士鶯技利士埠之油池。格烈旅館之佈置。皆就實景。率性寫來。文雖未工。真趣具在。至於各埠之真相圖。攝時必從最要點撮其神髓。非徒壯觀瞻而已。記成。因摘其大概如此。願閱吾書者。毋以泛泛游記讀之。則貺予厚矣。

旅行之始

(丙辰)一千九百十六年五月十三號。余等集合團體。作西美旅行。團伴爲瑪璧珂夫君。(俄人。文學博士。地質學學士)曾著「中國文學與法國文學比較」一書行世。書用華法俄文合撰。君性和樂堅忍。識予久。嘗以德業相切磋。近復聯爲秦晉好。威魯士君。(英人。哲學、文學博士。農林學學士)足跡遍五洲。豪爽無城府。能操華俄法德語。尤好吾國史乘。璧德女士。(美術學技士。法國文學士)通英法語。粗習華文。慈祥嫻雅。不矜不伐。是卽瑪璧珂夫之女弟也。孟實謙君。(華容人。清中書。曾畢業北洋法政、湖北法文兩學校)恂恂儒雅。嘗助予從事記錄。其爲文。質朴多精義。(癸丑)一千九百十三年秋。予撰「實業爲富強之本」一書。書用華俄法文。君爲予書後。洋洋洒洒。透澈肌理。頗爲拙著生色。是役也。連子實成五人組。趁威理氏號。由香港出發。登艦後。潮正盛漲。人貨雜沓。聲等春雷。震撼靈府。懊懣難耐。七時四十五分啓碇。喧呶漸寂。氣候和煦。繁星嵌空。海天極目。蕩滌塵襟。了無餘滓。致足樂也。時艦上招待員啓予曰。將屆晚膳。亟歸室。御晚服出。值璧德兄妹攜手迎面來。互爲禮。聯翩入會食堂。主席爲艦長威廉氏。年五十外。鬚鬚繞頰。目光甚銳。面作櫻紅色。頭童齒豁。執禮甚恭。酬應諸客間。一再向予濫諛。意似華人。雜處多國人士。酬酢中。應對笑談。了無隔閡。爲可訝者。言時頭顱簸無範。手足震顫。尤堪發噱。其狀類彈簧製之像生木偶。危立風前。更傾彼懸河之口。滔滔不息。予撝謙以謝其譽。乘間搜索其奇震之由來。

知彼係沈湎麴蘖者。殆爲麥酒毒中於筋絡。喪失其肢體之制裁。致成被動。毒之驅策其官骸也。不殊於艦長之駕駛其艦。夫以閩船生命。託諸此公之手。亦云險矣。吁。杯中物之浸淫。其可畏也。乃如是。當予內訟時。威君與璧德似審予心理作用者。咸現忍俊不禁狀。餐後達船舷。領略海天空氣。次日二時許。促膝暢論南北極冰魚之生息。侍者手銀盤盛無線電至。亟展閱。電發自同學呂班南君。祝予此行。行以所得歸利祖國。予以電示儕輩。咸羨予多益友。晚十時。睡興正酣。滿船鼎沸。驚醒。急啓鍵出。適巡行艦役立衙隅。詳爲予述。方悉一華人投海。未及援救。已逐波神長逝。檢其行篋。衣物多襲。流行幣若干。尙遺有辭世書一緘云。翌晨。艦長以函洩威爲介。倩予重譯。知死者名梁百材。係粵人。函中多憤激政治語。因以厭世爲慨歎久之。午後二時許。瀏覽海上新聞。興至適。（報成於航行中所得各路無線電通訊。資料龐雜。篇幅無定。凡關於戰事。海面輪舶安危。氣候變遷。商業及金融漲落等皆載之。報屬非賣品。每午後二時半出版。以快慰乘客。夫處茫茫無際波濤中。隨在周知五洲大勢。法至善也。）忽覺脊柱如冰。腦海歷亂。殊難自持。時座左璧德。右孟君。覩予驟暈欲傾。急扶予歸室休息。計不省人事者三四日。未克起牀者。日亦相等。艦上醫員爲一淺嘗家。似不辨罹疾何屬。幸團伴鎮定。暫守不藥中醫之戒。輪流照料。更荷璧德任看護。衣不解帶。目不寧息者兩晝夜。次日黃昏四時半方甦。璧屈一膝。頰首就榻。以柔荑之手扶正吾頭。哽咽曰。君昨日迄今。暈迷不醒者。二十餘小時矣。現覺奚似。君氣息窒逼。失感覺。醫員辨症書。愴悅其詞。

誠不足靠。君精醫學。天相吉人。幸略清醒。行以看護所得之病情語君。君曷自救。當較彼僮爲優。珂等一致贊同。予亦以目微示許可。隨又量去。迨夜午復甦。剛啓睫接觸瞳神者。仍爲可敬之璧德。面予而坐。憔悴不勝。臉作慘白色。唇微翕張。嚶嚶啜泣。視予目啓。急以衣袖拭淚痕。斂爲歎容。就予慰藉。予焦渴極。索湯甚急。既飲漸安。璧重倡前議。力懇息予處方。此利那間。予雖未十分清醒。然自審厥疾之侵也。確屬脊神經與腦系交。當交感已未接續間。爲劇烈刺激力所窒。致被外邪攔入。擾亂其職司。陷於昏瞶。治當峻固本元。徐理其末。爰口授藥品藥量。洵爲調劑。服後如石沈大海。殊鮮速效。第三日尙間迷間醒。醒時璧慰予曰。君服藥以來。醒多暈少。氣息漸平。其未克完全清醒者。當係腦元漸復。伏邪未清故。予頷之。深服其卓見。直至抵檀香山夏威夷島。同伴昇予入斐倫旅館之次日。始沐如天之幸。長日未暈。再三日。離病榻。體力漸復。又一日。病夫之態已歸無何有之鄉矣。噫。以異國垂死之身。留滯海艦之中。飄泊汪洋之上。苟無誼比骨肉之良朋。慈惻仁愛之女伴。主張之。調護之。寧不索予於枯魚之肆哉。西諺曰。道德也。擇交也。實人生命脈之中樞也。斯言也。予不敏。終予之世。永鐫心版矣。

夏威夷島 (Hawaii, Honolulu)

二十二號晨。實爲予獲痊之次日。時鐘鳴十下。同伴喜予占勿藥。游興奮發。正擬外出。突有不速之客華道倫君。偕其女公子麗娜來訪。君屬園伴瑪璧珂夫之執友。故君之枉顧也。初非偶然。然吾儕得君。夏威夷

儀島之實況。不啻掌上觀紋矣。君蓋英人。往者遊檀香山之日。值此島歸附美國版圖。君倡首入美籍。被舉爲本埠興業會董事。振作島務。成效卓著。旋充商會總理。其爲人也。聰明渾厚。寧實際競爭。不屑私利壟斷。以故島之人。咸仰其德望。鮮有疵之者。予等之遍游島內也。藉君引導。凡足蹟所之。苟與事之實際有關者。必縷述其已往目前將來之狀況。述竟必一再詳詢。尙有他問否。君之學養。概可知矣。旅行團。遇彼賢地主。誠幸福哉。島位於太平洋之中心點。四通八達。其航行線與各大商埠之海程距離。極其差等。茲將其距離之點列下。以資參考。

琿春 Vladivostok 三千七百二十一哩

香港 Hongkong 四千九百六十一哩

橫濱 Yokohama 三千四百四十五哩

雪梨 Sydney 四千四百二十四哩

萬可華 Vancouver 二千三百七十二哩

大海地 Tahiti 二千三百八十九哩

舍路 Seattle 二千四百〇一哩

維露百里蘇 Valparaiso 五千九百十六哩

山匹道 San Pedro 二千三百三十二哩

卡羅 Callao 五千一百四十七哩

砵崙 Portland 二千三百十八哩

山特高 San Diego 二千二百八十哩

山藩市 San Francisco 二千一百哩

迷路畔 Melbourne 四千九百四十哩

沙連那克魯市 Salina Cruz 三千六百〇七哩

扼崙 Auckland 三千八百五十哩

巴拿瑪 Panama 四千六百六十五哩

小呂宋 Manila 四千七百七十八哩

亞企保哥 Acapulco 三千三百十哩

詳觀以上交通之點。島屬美國東西貿遷之最衝要口岸。殆無疑義。島內有天然之珠灣港。港形迴環。左右映帶。苟劃爲軍港。力足以制太平洋之生死。已由政府提倡修作乾船塢。專備建造修葺輪船之用。沿海一帶。純就岸線之高下。築爲碼頭。以利上落。商艦連檣。貨倉林立。街道修潔。屋宇整齊。店鋪輝煌。百物

輻輳。水電交備。更勿虞夜之暗與海之鹹也。熙來攘往者。咸心許是間。將與大西洋並駕齊驅。蓋其興起之點。端賴美洲與東方之商業轉輸爲盛衰。往者。美屬百貨之由大陸輸出。習用帆船。駛經大西洋而趣東方。近已改裝汽船。舍遠圖近。逕達於此。起棧候銷。其趨於此者。有三利焉。(一)路近(二)費廉(三)銷場易。以上三端。皆食本島與各大埠海程距離差等之賜也。華君言。近五六年間。美屬各州。暨坎拿大之遠足家來游者。接踵不絕。以故商業之起色。金融之活潑。誠有日就月將之勢。頃由議會提出討論。擬將本島作爲自由商埠。議果行者。不論何方運來之生貨。概沾免稅之益。彼有稅各屬之精思敏妙製造家。必舍其重負。而蒼萃於此。以從事其製生成熟之經營。將更促成是島爲太平洋獨一無二之工藝製造港也。云云。島中人煙稠密。華人亦不少。生計靡於各業間。中以勞動家爲最盛。至躋於獨立經營者。則殊僅見。審其生活狀態。尙覺衣豐食足。略饒餘儲。是亦堪慰予衷者也。旅是間者足十日。華君悉予等明日離埠。趣山特高。特盡地主誼。讌予等於私宅。在座主客二十三人。中以手創島中實業者爲最多數。杯酒言歡。履鳥交錯。異族良朋。坦懷酬酢。誠雅集也。次晨午前十一時三十分。離旅館。登三星號艦。安頓甫畢。卽見華君攜其女公子。姍姍而來。笑容可掬。向予等道歉忱。述歡送詞。並道昨晚在座諸友。爲職務時間所限。未遑躬送。深以爲憾。渙其代表致意云云。予團由璧德女士代表。恭致答詞。更謝其指導之誼。詞竟。汽笛催人。殊難爲別。就中以麗娜與璧德之離情。尤爲悽切。於此無那間。君父女遲回其步下梯去。予等

亟趨船舷排立。互以白巾拂颺。寄其留戀。直至人影迷離。目力不逮。始嗒然而返。展輪之次晨。海天如墨。苟無時計者。幾疑此午前九時半爲黑夜。艦員目注氣候表。面現憂惶狀。一再傳其鈴號。似戒備非常者然。予等見此景象。急歸會話廳。免擾其動作。此亦旅行家應備之常識也。鐘報十時。陡覺耳鼓雷鳴。若身陷丸中。隨其跌宕。初十餘分鐘。尙可勉強寧耐。少選。眼前金光閃爍。大好頭顱。驟遭顛頓。漸入瞑眩。恍若膨脹無倫。空諸所有。飄搖欲墜。蕩泊失憑。臟腑復翻騰輾轉。欲罷不能。探喉而出者。皆尅化未純之資養料。愈嘔愈劇。似傾無盡之藏。歷時既久。擺簸愈甚。然已吐無可吐。但作乾嘔。虛應故事而已。方幸封姨雖虐。其如我胸無宿物何。孰知有大謬不然者。彼怒吼之威。再接再厲。洶湧之勢。排山而來。其矗立也。拋吾艦於空。其迅逝也。墮吾艦於淵。往復起落之迅疾。更甚於足球隊之踢其球。試思個中人。經茲激盪。雖欲不吐。其可得乎。於是不期然而然之吐。又作矣。然此最後之吐。實爲吾有生以來第一次之慘吐也。緣所吐者。乃養成吾人剛毅果敢之膽質汁耳。屆茲傾囊（膽囊）瀝瀝間。更不審共濟者作何狀。深以爲念。迨一舉首。東倒西歪之人。觸目皆是。踵頂相接。象如陳屍。一絲僅屬。蓋彼等爲暴虐強逼所吐之質料。尤甚於予。吁。彼不情之颺。誠惡作劇哉。晚七時半。澎湃掀播。聲勢稍殺。再一時許。廳壁間正中之垂線針。恰如時計之指於五六七時間。習於海面旅行者。當悉此屬風恬浪靜之報告也。予私衷欣忭。殊難遏止。正擬呈吾慰藉之詞於儕偶。詎一眨眼間。此極其寬敞之會話廳。已闕其無人焉。彼輩殆以風浪既平。生機幸

復。咸趨浴室。行其清潔。予亦亟亟遠引此滿地狼籍之區。更衣櫛沐。是晚九時四十分。纔鳴膳鐘。就席後。座上客之視線。其注於餐碟也。如不共戴天者之虎視其仇。大有非囫圇吞下。不足以洩積恨之勢。又若此際肴饌之希罕。滋味之適口。烹自天廚。爲生平第一次僅嘗者。雖方以予與璧德之飲食舒徐性。至此亦爲同化力所吸。隨波逐流。加入彼急進黨。借用）作一致之行動。從事於眼手口渾成一片之豪啖矣。是役也。不及二十分鐘。十餘簋之食品。已如風捲殘雲。了無餘滓。誠怪現狀哉。翌日。天氣和靄。海不揚波。微風習習。開拓心胸。直不知此屬炎暑流金之候者。艦員以昨爲風阻。竟日峻增其推進力。以趣目的地。時夕照斜暉。曜於海面。作醺醉美人桃暈色。與東方滿望之蔚藍天。互呈妍麗。一若以此美景。獎勵吾曹之壯游者然。洵足樂也。艦之行行重行行也。而日亦落落復落落。海鷗南飛。巨鷹北逐。彼背道而馳者。殆將各謀其棲息。志非不同也。正游目間。普照大地。鞠育萬類之太陽。已逝至天之涯。趨地平線。入海角。跳宕於波光微皺間。蕩滌塵勞。爲世界倡休息先聲。以均勞逸。此一幅天然真趣畫。誠非濁世之自詡名畫家者。所繪之浴日圖。所可擬其萬一耳。八時欠十五分。汽笛鳴鳴者三。突於返照希微間。發現淡痕一抹。是卽吾儕渴望之嘉理仿離省之山特高也。

嘉理仿離省之山特高 (San Diego, California)

夜九時十二分。抵山特高。有格烈旅館招待員。持該埠實業鉅子亨利(名)赫純(姓)名刺來。謂由赫君

囑其歡迎者。將行李交代訖。即卸舟登陸。乘其特備汽車。電掣風馳。瞬息已屆。該館經理瑪理氏。延入持名冊。請各註行蹤姓氏訖。隨導觀全館各部之設備。如辦事處也。會話廳也。閱書報室也。祕密室也。會食堂也。踢球場也。遊廊也。浴室也。游泳池也。彈子間也。牌戲室也。(撲克牌)屋頂花園也。網球場也。音樂同樂會也。影劇場也。美術賞鑑軒也。茶酒間也。旋行亭也。(亭設香檳椅十排。排四座。位置蜿蜒。以電力推進。極其有趣。)凌空臺也。(臺凡四。東西各二。豎鐵杆。佈鋼繩。東高西低。東低西高。以旋螺環。收至極緊。使繩強直不垂。尷尬金屬輪挽於上。其運動也。以手牢握輪下之挽。足點踏處。藉滑車勢。由此端達彼端。迅如飛鳥。臺建於十二層樓頂。繩之延長二百十二碼。距離地面三百十五尺。是種運動法。名「凌空術」。予極端贊成。因其能養成人登高不虞危之膽量。牢握無或懶之指力故也。)動物園也。(內蓄珍禽異獸頗多。中以純白豕及六耳猿爲最特色。)予參觀既竟。深歎創始者社會心理學之精到。否則其德智體三育間之佈置。斷不能如此之具備耳。旅館生涯。雖云小道。然對於社會進化。商業否泰。確有密切之影響。返觀內國客棧之劣。能勿慊然。閱吾遊記之與上述營業有關係者。曷弗省諸。溯是館之建築。爲平排三部曲式。左右外凸。中部內凹。占地面三十九畝八分七。營造費一百二十四萬美元。自地隆游泳池。至屋頂凌空臺爲十二層。內臥室七百六十三號。號凡一室。或二三室不等。能容旅客一千餘人。辦事員四十二。庶務員役七十三。廚司二十八。招待員二十四。每樓一層。輪值駐一招待員。敬備指導旅客之游賞。

舉凡客之需要也。鈴聲一鳴。侍者卽至。絕無倔強欺詐諸弊。予嘗一再試其誠僞。確屬始終勿渝。亦足見教育之於人。其力之偉矣。予等分居七層樓。四百十五號至十九號。人各一室。七月九號晨八時許。正憑窗瀏覽通衢上之實業徵逐行人。侍者手福州雕漆盆。盛亨利赫純名刺來。立予輩後方。肅容啓白曰。客已候於會話廳矣。予等亟整衣出晤。赫君年五十外。全無暮氣。言詞懇摯。謂得華道倫君電。介其照應。並訂明晨七時半。遲予等於山特高農業總會。出發游覽。由威君代表團意。謝其惠而敬諾之。談次。君似繁劇無多暇晷者。趣輪握吾曹手。辭去。午後三時。攝旅館影。資則效。留紀念。晚間。略談卽寢。以休養精神。準備游時之揮發。翌朝五時半。興略事漱沐。聯翩升遊戲場。行槓杆體操。以舒筋絡。六時入浴。七時欠十五分晨餐。餐既。理髮。整容。御冠履。相攜出旅館。乘汽車。詣農業總會。剛抵門。正七時半。赫君已祇候於室次。予輩亟脫冠。伸手與爲禮。禮畢。君導至會話室。介見該會協理邊士民君。邊英年玉立。器局老成。夫以二十餘齡之後進。獲膺協理。其人品學業。從可知矣。酬答竟。赫延至對面成績室參觀。室作長方形。壁間遍懸金銀獎章獎憑。間以世界偉人像。四隅繞以玻璃壁櫥。內列籽種。植物標本。植物害蟲益蟲。農林利用器械。模型。藥品。及與農林有關係之禽畜等。充牣其中。君口講指畫。如數家珍。予等心領神會。嘆羨不遑。八時半。與辭邊君。赫挽壁德臂。速予等出。乘其專備汽車行。車爲三排式。客九人。裝製堅緻。機聲極靜。君謂是車爲美國最新出品。價埒舊式。而優異過之。行次。君語予等曰。不佞止是間者。十有九年。來時同志

爲四人組倡農林園藝事業。孜孜不息。時虞隕越。致違初願。君等試觀此間一望無際。青葱揖讓之田疇。泰半皆吾伴手創。仰邀天時五十。(五風十雨)地利挹注。人力勤劬。年中所入二百八十餘萬圓。除支銷租稅。工息。仰事俯畜外。多所羨餘。惜同志者四。已損其三。剩予孤掌勞形。是誠缺憾。尤幸生平抱負。以興利崇善爲歸。守聖訓種因之則。望後來者。收其良果。差堪自慰耳。言下歛歔不置。予細味其說。益信古今來。偉大事業。莫不從恆心艱苦中造成。世之慕快發財。妄冀俯拾即得者。盍猛省諸。赫繼曰。君等現游之境。厥有特色多端。肯容置喙乎。予亟應曰。諾。君曰。山特高者。吾美人嘗尊之曰獨立國。其所以膺茲偉譽者。亦自有故。蓋縣之面積。而逾於律埃崙省 (Rhode Island) 三倍。較之最著名之瑪洒初舌省 (Massachusetts) 亦祇倍於本縣而已。若以此地利和省 (Delaware) 律埃崙省。苛林比亞縣 (Columbia) 三名區。移於本縣間。本縣尚有盈餘地三千方哩有奇。不獨此也。地勢尤擅專長。寒燠平勻。土質腴美。景物清幽。人民樂業。舊歲。西班牙當代詩人。漢福魯先生。旅游是間。曾草樂土詩三章。至今傳誦。太平洋與本境毗連。得海面平和氣候獨多。至若境內偏西。則峻嶺邱岡。綿互突兀。農產各物。勿論宜於寒帶熱帶者。種植其間。莫不異常繁衍。由適間起行之點。達於常年積雪崇山。爲時祇數句鐘之途程耳。本縣全境之出產品。爲牛、羊、驢、馬、野兔、獐、鹿、山雞、麥、米、粟、蕎麥、葡萄、薯、芋、蘋果、梨、杏、李、橙、檸檬、桑椹、橄欖、香蕉、蜜桃、荳、蔬菜、瓜類等。木材如白松、柚木、檜木、杉、櫟、柏等。自雪山山根以達巔頂。常年綠雲拂颺。

蒼翠欲滴。計已墾之腴田。約三十八萬餘方畝。蓄牧草場。廣更數倍之。田畝價值。以出產豐饒爲準。方之全美利於農產之區。當以此爲最。譬如美東時新所尙之果品。尙未萌芽。本縣出產。已不遠數千里。運至各處。供其所需。且色味並佳。洵非他處可及。邇來十餘年。蠶桑之術。愈研愈精。（國人聽者）。出產之盛。舍湖州外。（中國）決不甘於第三。再十年後。雖躡至世界最富之產絲地位。亦殊可期。緣此地氣候之佳。無冬無夏。皆劑於平。不若他處每爲節令所限者。所可同日語也。云云。汽車之行也如風馳。赫君之口述也如流水。予等五人。凝神靜聽。大類廟中泥偶。莫或轉移。其有動彈者。厥唯予與威君二人。所執之自來墨水筆。行縮寫。着紙上。作饒蠶訖葉聲而已。遠記至此。車忽不前。赫曰。行程五小時矣。盡休息。謀午膳。予舉首滿望。綠屏蔽空。離地平數百碼上。危亭翼然。御者啓鍵。各先後下車。君充嚮導。引予等登高岡。轉山岫。越松嶺。穿茂林。渡曲澗。達葡萄架。架廣數畝。是卽剛所目擊危亭後方之幽徑也。亭爲赫君別業。點綴天然。清幽絕俗。亭左修竹一叢。風篁類笛。架後潏洄曲澗。泉聲潺湲。松嶺後屏。虬藤右護。山是真山。水是真水。亭窗八扇。各佈殊方。面南置風琴一張。案上疊詩歌多集。架儲葡萄美酒。製自家釀。壁懸賢哲箴言。居常自勵。席間殽品無多。味皆可口。飲來十斗不醉。滌盡塵襟。君更豪放高歌。浼壁德鼓琴相和。歌聲之激昂慷慨也。樂之拍湊。靡不和而同之。歌者固盡頓挫抑揚之奇。而撫者亦竭手揮目送之妙。計是暢敘之延長也。幾兩點鐘。予等倩壁德代表致謝詞。君起立恭答道。樂固不可盡也。然英雄兒女。志道相同。